

Na temelju članka 104. stavak 1. točka 4. Zakona o zdravstvenoj zaštiti životinja ("Službeni list SRBiH", broj 14/78), a u svezi sa člankom IX 5. (1) Ustava Federacije Bosne i Hercegovine, federalni ministar poljoprivrede, vodoprivrede i šumarstva, donosi

NAREDBU
O ODREĐIVANJU VETERINARSKIH ORGANIZACIJA ZA VRŠENJE DIJAGNOSTIČKOG
ISPITIVANJA

1. Za vršenje askolizacije koža, dijagnostička ispitivanja životinja i laboratorijska ispitivanja dijagnostičkog materijala (mikrobiološka, parazitarna, serološka, hemijsko-toksikološka, radiološka i druga ispitivanja određena propisima), kao i za ispitivanja sjemena za vještačko osjemenjivanje životinja, oplođenih jajnih ćelija za oplođavanje životinja, hrane za životinje i drugih predmeta kojima se može prenositi zarazna bolest, za područje Federacije Bosne i Hercegovine određuju se:

- 1) Veterinarski fakultet Sarajevo,
- 2) Veterinarski zavod Mostar i
- 3) Veterinarski zavod Tuzla.

2. Za laboratorijsko ispitivanje higijenske ispravnosti i kvaliteta sirovina i proizvoda životinjskog porijekla, pored organizacija iz prethodne točke, određuju se:

1. Javno poduzeće Kantonalna veterinarska stanica Sarajevo, Mikrobiološko-kemijski laboratorij i

2. Javno poduzeće Veterinarska stanica Zenica, Regionalni veterinarsko-medicinski laboratorij.

3. Pojedina dijagnostička i druga ispitivanja mogu vršiti samo laboratorije organizacija iz toč. 1. i 2., koje su kadrovski i materijalno-tehnički osposobljene za bezbjedno i stručno izvođenje tih laboratorijskih ispitivanja.

4. Danom stupanja na snagu ove naredbe na teritoriji Federacije Bosne i Hercegovine prestaje primjena Naredbe o određivanju veterinarskih organizacija udruženog rada koje su ovlaštene za vršenje askolizacije kože i laboratorijsko ispitivanje dijagnostičkog materijala ("Službeni list SRBiH", broj 20/78).

5. Ova naredba stupa na snagu danom objavljivanja u "Službenim novinama Federacije BiH".

Broj 05-335-1004/98
15. prosinca 1998. godine
Sarajevo

Ministar
dr Ahmed Smajić, v. r.